

INUIT ATAQATIGIIT INATSISARTUNI



23. april 2026
UPA2026/28
Mimi Karlsen

**Namminersorlutik Oqartussat siunnersuummik uannga akuersinissaannut
Inatsisartut aalajangiiffigisassaattut siunnersuut: Akiligassatigut
isumaqatigiissutit pillugit inatsisip Kalaallit Nunaanni
atuutsinneqalernissaanik peqqussut**

(Inuussutissarsiornermut, Aatsitassanut, Nukissiutinut, Inatsisit
Atuutsinneqarnerannut Naligiissitaanermullu Naalakkersuisoq)

Inuit Ataqatigiit isumaqarpugut akiligassatigut isumaqatigiissutit tamanit illersuisuusut pingaaruteqartut ullutsinnut naleqquttuunissaat. Aningaasanik niuerneq nunarsuarmi pisoq sukkasuujusarpoq, taamaammallu nunatsinni inatsisit ullutsinnut naleqqussartarnissaat pingaaruteqartutut isigaarput.

Maanna Naalakkersuisut peqqussummik siunnersuutaat paasinarpoq inatsimmik nutarterinerusoq, nalinginnaasumillu atuisunut annertuumik siumut naliliisarnissaanik iluaqutissanngorlugu suliaalluni.

Siunertaavortaaq Danmarkimi malittarisassanik atuuttunik Kalaallit Nunaanni – Kalaallit Nunaanni pissutsinut naleqqussakkanik – malittarisassaqaarnissaa. Tamannalu qulakkeerneqassasoq Inuit Ataqatigiinni isumaqarpugut.

Akiligassatigut isumaqatigiissutini akiligassiisartut, atuisullu akornanni pitsaanerusumik, ullutsinnullu naleqqunnerusumik Kalaallit Nunaanni malittarisassaqaarnissaa kiisalu atuisut akiligassatigut isumaqatigiissusiortillugit pitsaanerusumik illersorneqaarnissaat pingaarnertut siunertaammat iluarinarpoq.

Akiligassiisartoq atuisumut akiligassiilluni imaluunniit akiligassiiniarluni siumut neriorsuuteqarluni isumaqatigiissutit, akiligassarsinermi isumaqatigiissutinut inatsimmi ilaatinneqarput.

Akiligassatigut isumaqatigiissutini akiligassiisartut, atuisullu akornanni pitsaanerusumik, ullutsinnullu naleqqunnerusumik malittarisassaqaarnissaa, atuisullu akiligassatigut isumaqatigiissusiortillugit pitsaanerusumik illersorneqaarnissaat siunnersuuteqarnera iluarivarput. Akiligassiisartoq atuisumut akiligassiilluni imaluunniit akiligassiiniarluni siumut neriorsuuteqarluni isumaqatigiissutit, isumaqatigiissutinut inatsimmi ilaatigut ilaatinneqarsimasut qujarunnarput.

Akiligassiisup akiliisussallu akornanni paaseqatigiinnerup qulakkeerniarneqarnera aammalu immikkut tamarmik toqqissisimanartumik isumaqatigiissusiorsinnanerat ilualalugu siunnersuut akuerivarput.